



Pineqartunut paasisutissiineq

**Qalerallinnut akitsuuslisarnermut Inatsimmi
allanngulnermik paasisutissiineq**

16. december 2015
Sagsnr. 2012-064103
Dok. Nr. 1104966

Inatsisartut 2015-imi ukiaanerani ataatsimiinnermini qalerallinnut akitsuusisarneq pillugu inatsisunik allannguipput. Inatsit nutaaq nassuiaataalu kakkigullugit ilanngunneqarput .

Postboks 1605
3900 Nuuk
Tlf. (+299) 34 50 00
Fax (+299) 32 20 42
E-mail: tax@nanaq.gl
www.nanaq.gl

Akilerartarnermut Aqutsisoqarfiup allannguutit annerit naatumik matumuuna nassuiaateqarfigissavai:

Avataasiorluni aalisarneq:

Qalerallinnut akitsuut ullumikkut atuuttoq 2015-imi ukiup sisamararterutaasa sisamaani kiilumut 3,06 kr.-uvoq, taama angissusiliinermi 2013-imi tunngaviummik naatsorsuinermi atorneqartoq tassalu kiilumut 2,50 kr. aallaavigalugu . Akitsuut 2016-imi januaari aallaqqaataani, aallaqqaataaniit aallartittussanngorlugu iluarsivigineqassaaq imaalillugu, 2016-imi ukiup sisamararterutaasa siullianni akitsuut kiilumut 2,50 kr.-ussalluni, naleq. Inatsisartut inatsisaanni nr. 35, 9. december 2015-imeersumi § 3 naapertorlugu. Ulloq akiliiffissaq kingulleq maannakkutut tassaalluni 30. april 2016.

Paragraffimi tassani nutaatut aamma ilaavoq, qalerallit Kalaallit Nunaanni tunitsivinnut tunisassiorfinnulluunniit tunineqarpata tunineqanngippataluunniit akitsuut atuutissasoq . Tunitsivinnut tunisassaaitaasut avammullu niuerutissatut tunisinermi immersuiffissaq sulii atuuttoq atorlugu akitsuut nalunaarsorneqassaaq.

Qalerallit saaniarneqarnissaat siunertaralugit tunisat inatsimmi uani pineqanngillat taamaattumik akitsuuserneqassanngillat, pisassiisummi allaqqappat saaniarneqarnissaat siunertaasoq.

Akitsuut qaammatit sisamakkaarlugit naleqqussarneqartassaaq naleqqussaariaaseq ullumikkut atuuttoq malillugu .

Inatsimmi nutaatutilanngunneqarpoq § 3a, tassani pineqarput aalisakkat ikerinnarslortut ilaasa tunumi pisarineqartut akitsuutaat. Akitsuuserneqartussat pineqartut tassaapput ammassassuit, ammassaat kiisalu avaleraasartuut taakkulu akitsuutaat aamma assigiinngillat, tassani apeqqutaalluni angallat atorneqartoq Kalaallit Nunaanni imaluunniit Kalaallit Nunaata avataani angerlassimaffeqartutut nalunaarsorneqarsimanersoq. Akit atuuttut inatsimmi takuneqarsinnaapput.

Akitsuutit nalunaarsuinermit naatsorsuisionermullu piffissaliussat qalerallinnut piffissaliussat assigat .

Umiarsuaatillit qaammatit sisamakkaartut nikinnerisa qaammataata naanerani nalunaarsuillutillu akiliisassapput Akilerartarnermut Aqutsisoqarfiup kontoanut 6471 -

1508196-mut paasissutissiinermi taaguutit uku arlaat atorlugit "Ammassassuit", "Ammassaat" imaluunniit "Avaleraasartuut" kiisalu GER nr. nalunaarutigalugu

Akilerartarnermut Aqutsisoqarfik 2016-ip aallartinnerani aalisakkat ataasiakkaat akitsuutaannut immersuiffissaliussaaq taakkulu nittartakkami www.aka.gl -imi aaneqarsinnaassallutik.

Sinerissap qanittuani aalisarnek:

Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. 35, 9. december 2015-eersumi, inatsisit nutaat ilanngunneqarput. Suliffeqarfiit aamma inuit avataasiorluni aalisarnermi pineqanngitsut, tunitsivimmuut tunisassiorfimmulluunniit qalerallinnik tunisinerminni isertitamik 5 procentiat akitsuutit akilertassagaat pisussaaffilerneqarput.

Inatsimmi aamma allassimavoq, isertitat tunisinermi ajunngitsorsiatut tiguneqartut suugaluarpatalunniit soorlu: bonusit, tunissutit, rabat il. il. paasissutissat tamarmik naatsorsuusiarineqassapput, akitsuutip naatsorsornissaanut akitsuutillu eqqortumik akilerneqarnissaanut tunngaviusinnaaniassammata. Tassani aamma akitsuuserneqarsinnaasutut pineqarput soorlu angallassinermi tapiissutit, tatiginninnermik akiliutit il.il.

Inatsimmi § 3b imm. 2-mi allassimavoq imm. 1-imik taaneqartunik tunniussisup akitsuut tunniussilernermini unerartissagaa akitsuullu Akilerartarnermut Aqutsisoqarfimmut akilerlugu. Unerartitsineq pissaaq unerartitsisussaataasup aningaasanik unerartinneqartussanik naatsorsuineratigut, aningaasallu isertitanit ilanngaatiginerisigut. Tamanna takussutissartaqassaaq naatsorsuutit isikkoqarluni akitsuuseriviup iluani tunisinerit takuneqarsinnaanngorlugit. Kiisalu ilaassallutik CPR/GER kiisalu akitsuutit annertussusaat.

Ataani assersuut takuuk.

Tunisoq	Akitsuusigassat annertussusaat	Tunisinersusiat/Akiliutit	Akitsuut
CPR-/GER-nummer	Kg	Kr.	Kr. (5%)
220760-xxxx	175	8.750,00	437,50
26121563	1.413	28.350,00	1.417,50
....	
....	
....	
Katillugit	xx.xxx	xxx.xxx,00	xx.xxx,00

Akitsuutit naatsorsuusiarineranut assersuut.

Akitsuusiisarnerit qaammatit sisamakkaarlugit pisarput, nalunaarsuineq kiisalu akiliineq kingusinnerpaamik pissaaq akitsuusiiviusup kingorna qaammatip suliffiusup ulluani kingullermi. Tassa imaappoq, 30 april., 31. juli, 31. oktober kiisalu 31. januar.

Akitsuut Akileraartarnermut Aqutsisoqarfiup kontoanut 6471 - 1508196-imut akilerneqassaaq paasissutissiissutitut allallugu "QALSineriak" kiisalu suliffeqarfiup GER nr-ua.


Akileraartarnermut Aqutsisoqarfik 2015-i naatinngu akitsuummumut nalunaarsuiffissaliussaaq kiisalu naatsorsuutit takussutissartaannut atorneqarsinnaasumik immersuiffissaliussalluni .

Arlaannik apeqqutissaqaraanni annertunerusumilluunniit paaserusutaqaraanni ataani atsiornikut attavigineqarsinnaapput e-mail-ikkut toro@nanog.gl imaluunniit pean@nanog.gl

Inussiarnersumik Inuulluaqqusilluta



Tove Rossen



Peter Aarup Andersen

Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaatnr. 35, 9. december 2015-imeersoq (Qalerallit immannguaannaq suliat suliarineqanngitsullu akitsuutaat kiisalu aalisakkat ikerinnarsiortut ilaasa Tunumi pisarineqartut akitsuutaat)

§ 1

Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. 10, 8. juni 2014-imeersukkut allanngortinneqartumi makku allannguutigittinneqarput:

1. Inatsisip taaguutaa ima oqaasertaqassaaq:

”Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaat.”

2. § 1, imm. 1, ima oqaasertaqarpoq:

” Qalerallit Kalaallit Nunaata oqartussaaffigisaani nunallu allat oqartussaaffigisaanni aalisarneqartut aamma aalisakkat ikerinnarsiortut ilaat Tunumi aalisarnermi aalisarneqartut akitsuutaat inatsimmi matumani aalajangersakkat naapertorlugit akilerneqassapput.”

3. § 2 ima oqaasertaqarpoq:

”§ 2. Akitsuummik akiliisussaatitaaneq piffissami pisarineqarfianni atuutilissaaq, taamaattorli tak. imm. 2.

Imm. 2. Sinerissap qanittuani qaleralinniarnermi akitsuummik akiliisussaatitaaneq piffissami tunitsivimmut tunisassiorfimmulluunniit, matumani aamma umiarsuarmut tunitsivimmut tunisinermi atuutilissaaq.”

4. § 3, imm. 1, ima oqaasertaqarpoq:

” § 3. Suliffeqarfiiit aamma inuit avataasiorluni qaleralinniarnissamut pisassinneqarsimasut qaleralinnut kiilumut akitsuut 2,50 kr.-iusoq akilissavaat, taamaattorli tak. imm. 2. Akitsuutip naatsorsornerani ilanngunneqassanngillat pisat ilaat saaniiagassatut tunineqartussat.”

5. § 3-p kingornagut qulequtaq ima oqaasertaqassaaq:

”Aalisakkat ikerinnarsiortut ilaasa Tunumi aalisarnermi pisarineqartut akitsuutaat”

6. Qulequttap nutaap kingornagut ilanngunneqassaaq:

” § 3 a. Aalisakkat ikerinnarsiortut ilaasa Tunumi aalisarnermi pisarineqartut akitsuutaat, angallatinut Kalaallit Nunaanni angerlarsimaffeqartutut aamma Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasunut tunngatillugu

angissuseqarput:

1) Ammassassuaq,

a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoq.....kiilumut 0 kr. 25 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 0 kr. 80 øre.

2) Ammassak,

a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoq.....kiilumut 0 kr. 15 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 0 kr. 70 øre.

3) Avaleraasartooq,

a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 95 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 1 kr. 50 øre.

Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq inuttaqartinnagu, kisiannili angallatip naalagaa, maskinmesteria taakkuluunniit marluk kisiisa ilanngullugit attartorpagu, akitsuutit angallatinut Kalaallit Nunaanni angerlarsimaffeqartutut nalunaarsorneqarsimasunut atuuttut akilerneqassapput.

7. § 3 a-p kingornagut qulequtaq nutaaq ima oqaasertaqassaaq:

”Qalerallit sinerissamut qanittumi aalisarnermi pisarineqartut akitsuutaat”

8. Qulequttap nutaap kingornagut ilanngunneqarpoq:

” § 3 b. Suliffeqarfiit aamma inuit § 3, imm. 1-imi pineqartunut ilaangitsut akitsuut, qalerallit tunitsivimmut tunisassiorfimmulluunniit tuninerisigut isertitamik 5 procentiisut angissusilik akilissavaat.

Imm. 2. Isertitanik imm. 1-imi taaneqartunik tunniussisup akitsuut tunniussilernermini unerartissavaa. Unerartitsineq pissaaq unerartitsisussaataasup aningaasanik unerartinneqartussanik naatsorsuineratigut, aningaasallu isertitanit ilanngaatiginerisigut.”

9. § 4, imm. 2 aamma 3, ima oqaasertaqarput:

” Imm. 2. Suliffeqarfiit aamma inuit akitsuummik akiliisussaataasut § 3, imm. 1-imi aamma § 3 a-mi taaneqartut akitsuutit naatsorsornissaanut akitsuutillu eqqortumik akilerneqarnissaanik nakkutilliinissamut tunngavigineqarsinnaasunik naatsorsuusiussapput.

Imm. 3. Suliffeqarfiit aamma inuit akitsuummik akiliisussaataasut § 3, imm. 1-imi aamma § 3 a-mi taaneqartut akitsuusigassat taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi

kingullermi akileraaruseriffimmut nalunaarutigalugillu akilissavaat.”

10. § 4 a-tut nutaatut ilanngunneqarpoq:

” § 4 a. Suliffeqarfiit unerartitsisussaataasut § 3 b, imm. 2-mi taaneqartut suliffeqarfiit aamma inuit qaleralinnik tunisisartut, isertitat tunniunneqartut, bonusit il.il. paasissutissallu allat pillugit naatsorsuusiussapput, akitsuutip naatsorsornissaanut akitsuutillu eqqortumik akilerneqarnissaanut tunngaviusinnaasunik.

Imm. 2. Suliffeqarfiit aamma inuit unerartitsisussaataasut § 3 b, imm. 2-mi taaneqartut tunitsivinnut tunisassiorfinnulluunniit ataasiakkaanut tunngatillugu tunisat akitsuusigassat amerlassusii, pissarsiat tunniunneqartut amerlassusii taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmut nalunaarutigalugillu akilissavaat.

Imm. 3. Nalunaarut piffissaagallartillugu nassiunneqanngippat akiliisitsissut piffissamut akitsuummik akiliiffissamut akitsuutip 2 procentiinik angissuseqartoq, minnerpaamilli 500 kr.-iusoq annerpaamillu 5.000 kr.-iusoq akilerneqassaaq.”

11. § 7 ima oqaasertaqassaaq:

” § 7. Naalackersuisut akitsuummik akiliinnginnissamik qinnuteqaat akuersinnaavaat, misileraalluni aalisarnissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertunngippata.”

12. § 8, imm. 1 ima oqaasertaqassaaq:

” § 8. § 1, imm. 1-imik, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit, § 4 a, imm. 1-imik 2-millu piaaraluneerluni mianersuaalliorujussuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qularnaveequsiinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulerinermik inatsimmi maleruagassat naapertorlugit pineqaatissiinermik kinguneqarsinnaavoq.”

§ 2

Inatsisartut inatsisaat 1. januar 2016-imi atortuulissaaq.

Namminersorlutik Oqartussat, ulloq 9. december 2015

Kim Kielsen

Uunga

allannguutissatut siunnersuut

Uunga siunnersuut: Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. x, xXx 2015-imeersoq

Naalakkersuisut aappassaaneerinissamut saqqumiussaat.

§ 1-imut

1. § 1, nr. 2, ima oqaasertaqarpoq:

”2. § 1, imm. 1, ima oqaasertaqarpoq:

” Qalerallit Kalaallit Nunaata oqartussaaffigisaani nunallu allat oqartussaaffigisaanni aalisarneqartut aamma aalisakkat ikerinnarsiortut ilaat Tunumi aalisarnermi aalisarneqartut akitsuutaat inatsimmi matumani aalajangersakkat naapertorlugit akilerneqassapput.”

2. § 1, nr. 3, peerneqarpoq.

3. § 1, nr. 4, ima oqaasertaqarpoq:

”4. § 2 ima oqaasertaqarpoq:

”§ 2. Akitsuummik akiliisussaatitaaneq piffissami pisarineqarfianni atuutilissaaq, taamaattorli tak. imm. 2.

Imm. 2. Sinerissap qanittuani qaleralinniarnermi akitsuummik akiliisussaatitaaneq piffissami tunitsivimmut tunisassiorfimmulluunniit, matumani aamma umiarsuarmut tunitsivimmut tunisinermi atuutilissaaq.”

4. § 1-imi nr. 01-itut nutaatut ilanngunneqarpoq:

”01. § 3, imm. 1, ima oqaasertaqarpoq:

”§ 3. Suliffeqarfiit aamma inuit avataasiorluni qaleralinniarnissamut pisassinneqarsimasut qaleralinnut kiilumut akitsuut 2,50 kr.-iusoq akilissavaat, taamaattorli tak. imm. 2. Akitsuutip naatsorsornerani ilanngunneqassanngillat pisat ilaat saaniagassatut tunineqartussat.”

5. § 1, nr. 7, ima oqaasertaqarpoq:

”7. § 3 a-p kingornagut qulequtaq nutaaq ilanngunneqarpoq:

”Qalerallit sinerissamut qanittumi aalisarnermi pisarineqartut akitsuutaat”

6. § 1, nr. 8, ima oqaasertaqarpoq:

”8. Qulequttap nutaap kingornagut ilanngunneqarpoq:

”§ 3 b. Suliffeqarfiit aamma inuit § 3, imm. 1-imi pineqartunut ilaanngitsut akitsuut, qalerallit tunitsivimmut tunisassiorfimmulluunniit tuninerisigut isertitamik 5 procentiisut angissusilik akilissa-vaat.

Imm. 2. Isertitanik imm. 1-imi taaneqartunik tunniussisup akitsuut tunniussilernermini unerartissavaa. Unerartitsineq pissaaq unerartitsisussaataitaasup aningaasanik unerartinneqartussanik naatsorsu-neratigut, aningaasallu isertitanit ilanngaatinerisigut.”

7. § 1-imi nr. 02-tut nutaatut ilanngunneqarpoq:

”02. § 4, imm. 2 aamma 3, ima oqaasertaqarput:

”*Imm. 2.* Suliffeqarfiit aamma inuit akitsuummik akiliisussaataitaasut § 3, imm. 1-imi aamma § 3 a-mi taaneqartut akitsuutip naatsorsornissaanut akitsuutillu eqqortumik akilerneqarnissaanik nakku-tilliinissamut tunngavigineqarsinnaasunik naatsorsuusiussapput.

Imm. 3. Suliffeqarfiit aamma inuit akitsuummik akiliisussaataitaasut § 3, imm. 1-imi aamma § 3 a-mi taaneqartut akitsuusigassat taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmut nalunaarutigalugillu akilissavaat.”

8. §1-imi nr. 03-tut nutaatut ilanngunneqarpoq:

”03. § 4 a-tut nutaatut ilanngunneqarpoq:

”§ 4 a. Suliffeqarfiit unerartitsisussaataitaasut § 3 b, imm. 2-mi taaneqartut suliffeqarfiit aamma inuit qaleralinnik tunisisartut, isertitat tunniunneqartut, bonusit il.il. paasissutissallu allat pillugit naatsorsuusiussapput, akitsuutip naatsorsornissaanut akitsuutillu eqqortumik akilerneqarnissaanut tunngaviusinnaasunik.

Imm. 2. Suliffeqarfiit aamma inuit unerartitsisussaataitaasut § 3 b, imm. 2-mi taaneqartut tunitsivinnut tunisassiorfinnulluunniit ataasiakkaanut tunngatillugu tunisat akitsuusigassat amerlassusii, pissarsiat tunniunneqartut amerlassusii taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmut nalunaarutigalugillu akilissavaat.

Imm. 3. Nalunaarut piffissaagallartillugu nassiunneqanngippat akiliisitsissut piffissamut akitsuummik akiliiffissamut akitsuutip 2 procentiinik angissuseqartoq, minnerpaamilli 500 kr.-iusoq annerpaamillu 5.000 kr.-iusoq akilerneqassaaq.”

9. § 1, nr. 12, ima oqaasertaqarpoq:

” 12. § 8, imm. 1, ima oqaasertaqarpoq:

”§ 8. § 1, imm. 1-imik, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit, § 4 a, imm. 1-imik 2-millu piaaraluneerluni mianersuaalliorujussuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qularnaveeqquusiinissamilluunniit § 5 naapertorlugu peqquneqarnermik malinninnginneq Kalaallit

5. november 2015

UKA 2015/21

Nunaanni pinerluttulerinermik inatsimmi maleruagassat naapertorlugit pineqaatissiinermik kinguneqarsinnaavoq.”

Inatsisissatut siunnersuummut oqaaseqaatit

Oqaaseqaatit nalinginnaasut

Allannguutissatut siunnersuut qalerallit immannguaannaq suliat suliarineqanngitsulluunniit annissuinermi akitsuutaat pillugu siunnersuummut isornartorsiutaasut akuersaarlugit saqqumiunneqarpoq. Allannguutip kingunerissavaa inatsisissatut siunnersuutip tassunga tunngasortaata peerneqarnissaa.

Taarsiullugu siunnersuutigineqarpoq nunami tamarmi sinerissap qanittuani qaleralinniarluni aalisarnerup isumalluutiniq atuinermi akiliummik akitsuuserneqartalernissaa.

Sinerissap qanittuani qaleralinniarnermi akitsuutip tunisinermi isertitat 5 procentiannik angissuseqarnissaa siunnersuutaavoq. Taamaaliornikkut tunitsiviit tunisassiorfiillu assigiinngitsut tunisinermi akinik assigiinngitsunik akeqartitsisinnaanerat eqqarsaatigineqarpoq. Procentiliinerup kingunerissavaa akitsuutip tunisinermi akinut sanilliullugu annikitsuinnaanera, tunisinermi akigititat angissusii apeqqutaatinnagit.

Akitsuummik akiliisussaaneq qalerallit tunitsivimmud tunisassiorfimmulluunniit tunineqarneranni atuutilissaaq. Akitsuut qaleralinnik tunisisup akiligassaraa. Kisianni tunitsivik tunisassiorfilluunniit tassaavoq tunisisup isertitassaani akitsuummik unerartitsisussaataasooq, akitsuummillu unerartineqartumik akileraaruseriffimmud akiliisussaataasooq.

Tunisisup akitsuut aningaasarsiami akileraaruteqaataasussat naatsorsorneranni ilanngaatisinnavaa.

Sinerissap qanittuani qaleralinniarnermi pisat tunineqarneranni akitsuusersuinissamik siunnersuutip kingunerisaanik siunnersuutigineqarpoq avataasiorluni qaleralinniarnermik akitsuusersuineq allanngortinneqassasoq. Allannguutip kingunerissavaa avataasiorlutik qaleralinniat pisaminnit tamanit akitsuut akilertalissammassuk, taamaallaat avataasiorlutik aalisartut pisaasa ilaat saaniagassatut tulaanneqartussaataasut pinnagit.

Avataasiorluni aalisarnerup akitsuusiiffigineqarnerata pisat ilaannik tulaanneqartussaasunik ilaneqarneranut taarsiullugu akitsuutip angissusia appartinneqassaaq, avataasiorluni aalisarnerup akitsuutitigut nammakkersugaanera ataatsimut isigalugu allanngortussaajunnaarlugu. § 3, imm. 1-imi atuuttumi akitsuut 2,50 kr.-inik angissusiligaavoq. § 3, imm. 2 naapertorlugu aaqqiissutip kinguneraa akitsuut kingulleq atorneqartoq tassaammat 3,06 kr.-it. Siunnersuutigineqarpoq akitsuut inatsisip atortuulerfia aallarnerfigalugu 2,50 kr.-inut angissusilerneqassasoq. Avataasiorlutik aalisartut akitsuutitigut nammakkersugaanerat taamaalilluni ullumikkutut iinnassaaq. Avataasiorluni aalisar-

nermut tamarmut akitsuutip angissusissaata akitsuutip angissusia § 3, imm. 1-imi allassimasoq angeqqatigimmagu tamanna nalaatsornerinnaavoq. Akitsuutip angissusia nutaaq 2016-imi kvartalit aappaat aallarnerfigalugu § 3, imm. 2-mi aalajangersagaq naapertorlugu aaqinneqartassaaq.

Sinerissap qanittuani qaleralinniarnemit 2016-imi akitsuutitigut isertinneqartussat 20 mio. kr.-it missaanniinissaat eqqoriarneqarpoq. Isertitassat angeqqatigaat qalerallit immannguaannaq suliat suliarineqanngitsulluunniit annissorneranni akitsuutikkut isertinneqartussat. Allatut oqaatigalugu, allannguutissatut siunnersuut isertitassanut sunniuteqartussaangilaq.

Allannguut umiarsuaatileqatigiiffiit kiisalu tunitsiviit tunisassiorfiillu akitsuutit naatsorsornissaanut akilernissaannullu allaffissornissaannik kinguneqassaaq.

Angallatini inuttat aalisarnermi pisat naapertorlugit akissarsisinneqartarpat, akitsuullu akissarsiasat tamarmiusut inuttanut tunniunneqannginneranni ilanngaatigineqassappat, siunnersuut taakununga sunniuteqassaaq.

Aalajangersakkanut ataasiakkaanut oqaaseqaatit

Nr. 1-imut (inatsimmi § 1, imm. 1)

Inatsisip atuuffiata suliffeqarfinnik inunnillu aalisakkat ikerinnarsiortut ilaannik, matumani aamma ammassassuarnik ammassanillu Tunumi aalisarnissamut pisassinneqarsimasunik ilaneqarnissaa siunnersuutaavoq.

Aammattaq atuuffianut ilanngunneqarput sinerissap qanittuani qaleralinniarnermi pisat tunitsivinnut tunisassiorfinnullu tunineqartut. Maannamutuut pineqartunut ilaapput suliffeqarfiit inuillu avataasiorluni qaleralinniarnissamut avaleraasartoorniarnissamullu pisassinneqarsimasut.

Nr. 2-mut (inatsisissatut siunnersuummi nr. 3)

Inatsisissatut siunnersuummi § 3-p peerneqarnissaa siunnersuutaavoq, qalerallimmi immannguaannaq suliat suliarineqanngitsullu annissornerini akitsuut peerneqarmat, sinerissallu qanittuani qaleralinniarnermi akitsuummik taarserneqarluni.

Nr. 3-mut (inatsimmi § 2)

Avataasiorluni qaleralinniarnermi aamma aalisakkat ikerinnarsiortut ilaannik Tunumi aalisarnermi akitsuummik akiliisussaatitaaneq piffissami pisarineqarfianni atuutilissaaq.

Imm. 2-mi aalajangersakkap kinguneraa sinerissamut qanittumi qaleralinniarnermi akitsuummik akiliisussaatitaanerup piffissami pisat tunineqarfianni atuutilernissaa.

Nr. 4 (inatsimmi § 3, imm. 1)

Aalajangersakkap kinguneraa avataasiarluni qaleralinniarnermi pisat akitsuutaannik appaaneq. Tasunga taarsiullugu pisat ilaat tunitsivinnut tunisassiorfinnulluunniit tulaaneqartussat akitsuusigas-sanut ilanngunneqarput, tassa pisat ilaat saaniiagassatut tunineqartussat pinnagit. Umiarsuit tunitsiviit matumani tunitsivittut tunisassiorfittulluunniit isigineqarput.

Pisassiinermi pisat qanoq amerlatigisut pisalluunniit ilaat qanoq amerlatigisut saaniiagassatut tulaaneqartussaataitanerannik aalajangersaasoqarsimangippat akitsuut pisanit pisat allatorneqarfianni nalunaarsorneqartunit tamarmiusunit naatsorsorneqassaaq.

Nr. 5-imut (qulequtaq nutaaq)

Aalajangersagaq aaqqiinermik pissuteqarpoq, tamannami inatsisip atuuffiata sinerissap qanittuani qaleralinniarnermik ilaneqarnerata kingunerisaanik qulequttamik nutaamik ilanngussinerummat.

Nr. 6-imut (inatsimmi § 3b)

Sinerissap qanittuani qaleralinniarnernup isumalluutitik atuinermi akiliummik akitsuusiiffigineqartalernissaa siunnersuutaavoq.

Akitsuut sinerissamut qanittumi qaleralinniarnermi pisarineqartut tunitsivinnut tunisassiorfinnulluunniit tunineranni isertitat 5 procentiinik angissuseqarpoq.

Isertitatut isigineqassapput aningaasat, pigisat assigisaalluunniit tunisanut taarsiullugit tiguneqartut. Isertitanutaaq ilaapput soorlu bonusitut tunniunneqartut, tunissutit, suut aningaasaanngitsut, akikililiissutit assigisaalluunniit, tunisisup qaleralinnik tunisinermini taartitigusat.

Kalaaliaqqanut (kalaalimineerniarfinnut), suliffeqarfinnut, kantiinanut, neriniartarfinnut il.il. tunisineq tunitsivinnut tunisassiorfinnulluunniit tunisinertut isigineqanngilaq.

Imm. 2-mi aalajangersakkami aalajangersarneqarpoq tunitsivik tunisassiorfilluunniit tassaammat isertitassat tunniunneqalerneranni akitsuummik unerartitsisussaataasooq. Unerartitsineq pissaq unerartitsisussaataasup aningaasanik unerartinneqartussanik naatsorsuillunilu isertitassanit ilanngaatiinninneratigut.

Nr. 7-imut (inatsimmi § 4, imm. 2-3)

Inatsisip atuuffiata aalisakkat ikerinnarsiortut ilaannik Tunumi aalisarneqartunik ilaneqarnera allannguummut pissutaaneruvoq.

Aalajangersakkami aalajangersarneqarpoq, suliffeqarfiit inuillu avataasiorluni qaleralinniamissamut kiisalu aalisakkat ikerinnarsiortut ilaannik Tunumi aalisarnissamut pisassinneqarsimasut akitsuut pillugu naatsorsuusiortussaataitaallutillu nalunaarutiginnittussaataitasut. Kiisalu akitsuutip piffissagallartillugu akilerneqarfissaa aalajangersarneqarpoq.

Aammattaaq akitsuutit pillugit nalunaarsuiffiit akiligassat allagartaasa il.il. assilineqarnerannik ilaqartinneqarnissaannik piunasaqaat atorunnaarsinneqarpoq, paasissutissammi tamakku akitsuutit naatsorsornissaanni pisariaqangillat.

Nr. 8-mut (§ 4 a nutaaq)

Aalajangersakkami aalajangersarneqarpoq suliffeqarfiit qaleralinnik sinerissap qanittuani aalisarnermi pisarineqarsimasunik tunisisoqartillugu isertitassanik tunniussisussat, tunitsivinnut tunisassiorfinnulluunniit ataasiakkaanut tunngatillugu naatsorsuusiortussaataitasut, akitsuutip naatsorsornissaanut aammalu akitsuutip akilerneqarnerata nakkutiginnissaanut tunngaviusinnaasunik.

Tassungalu ilutigitillugu aalajangersakkami allanneqarpoq akitsuutip nalunaarutigineqarnissaanut akilerneqarnissaanullu piffissaliussa. Akitsuummik akiliisussaataitasup nalunaarut piffissaagallartillugu nassiutinngippagu akiliisitsissut akitsuutip 2 procentiinik angissuseqartoq, minnerpaamilli 500 kr.-iusoq annerpaamillu 5.000 kr.-iusoq akilerneqassaaq.

Nr. 9-imut (inatsimmi § 8, imm. 1)

Inatsisip atuuffiata ilaneqarnerata kingunerisaanik siunnersuutigineqarpoq aalajangersagaq allanngortinneqassasoq, aalajangersakkanik nutaanik unioqqutitsisoqassagaluarpat pineqaatissiisoqarsinnaaqullugu.

ILUARSISSUTIT

Siunnersuut 19. august 2015-imik ullulerneqartoq taarserpaat

Tunnqavilersuut

Akitsuusersugassat inatsisissatut siunnersuummut 19. august 2015-imeersumut sanilliullugu ilaneqarnissaat Naalackersuisut siunnersuutiginiarlugu aalajangerput.

Taassuma kingunerisaanik allannguutit, matumani aamma isertitassatut naatsorsuutigineqartunik nalileeqqinneq oqaaseqaatini ilanngunneqarput.

Uunga siunnersuut: Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. x, xXx 2015-imeersoq

(Qalerallit immannguaannaq suliat suliarineqanngitsullu akitsuutaat kiisalu aalisakkat ikerinnarsiorlut ilaasa Tunumi pisarineqartut akitsuutaat)

§ 1

Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. 10, 8. juni 2014-imeersukkut allanngortinneqartumi makku allannguutigitinneqarput:

1. Inatsisip taaguutaa ima oqaasertaqassaaq:

”Qalerallit akitsuutaat aamma aalisakkat ikerinnarsiorlut ilaasa Tunumi aalisarnermi pisarineqartut akitsuutaat pillugit Inatsisartut inatsisaat.”

2. § 1, *imm. 1*, ima oqaasertaqassaaq:

”Suliffeqarfiit aamma inuit Kalaallit Nunaata oqartussaaffigisaani nunallu allat oqartussaaffigisaanni avataasiorluni qaleralinniarnissamut imaluunniit aalisakkat ikerinnarsiorlut ilaannik Tunumi aalisarnissamut pisassinneqarsimasut pisamik ilaasa, Kalaallit Nunaanni tunitsivimmut tunisassiorfim-mulluunniit, aalisarneq pillugu inatsit naapertorlugu tunineqartussaanningsut landskarsimut akitsuutaat inatsimmi matumani aalajangersakkat naapertorlugit akilissavaat.”

3. § 1-imi *imm. 2*-tut nutaatut ilanngunneqassaaq:

”Imm. 2. Suliffeqarfiit aamma inuit qalerallinnik Kalaallit Nunaanniit annissuisut, qalerallit tunineqartut suliarineqanngitsut imaluunniit niaqui paperuiluunniit atatinnarlugit suliat anninneranni landskarsimut akitsuut inatsimmi matumani aalajangersakkat naapertorlugit akilissavaat. Akitsuusi-gassanut ilaanngillat pisat ilaat imm. 1 naapertorlugu akitsuuserneqartussat.”

Imm. 2 matuma kingorna tassaalerpoq imm. 3.

4. § 2 ima oqaasertaqassaaq:

”§ 2. § 1, imm. 1 naapertorlugu akitsuummik akiliisussaatitaaneq piffissami pisarineqarfianni atuutilissaaq.

Imm. 2. § 1, imm. 2 naapertorlugu akitsuummik akiliisussaatitaaneq piffissami annissiffiusumi atuutilissaaq.”

5. § 3-p kingornagut qulequtaq ima oqaasertaqassaaq:

”Aalisakkat ikerinnarsiortut ilaasa Tunumi aalisarnermi pisarineqartut akitsuutaat”

6. Qulequttap nutaap kingornagut ilanngunneqassaaq:

”§ 3 a. Aalisakkat ikerinnarsiortut ilaasa Tunumi aalisarnermi pisarineqartut akitsuutaat, angallatinut Kalaallit Nunaanni angerlarsimaffeqartutut aamma Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasunut tunngatillugu angissuseqarput:

1) Ammassassuaq,

a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 25 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 0 kr. 80 øre.

2) Ammassak,

a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 15 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 0 kr. 70 øre.

3) Avaleraasartooq,

a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 95 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 1 kr. 50 øre.

Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq inuttaqartinnagu, kisiannili angallatip naalagaa, maskinmesteria taakkuluunniit marluk kisiisa ilanngullugit attartorpagu, akitsuutit angallatinut Kalaallit Nunaanni angerlarsimaffeqartutut nalunaarsorneqarsimasunut atuuttut akilerneqassapput.

7. § 3 a-p kingornagut qulequtaq nutaaq ima oqaasertaqassaaq:

”Qalerallit immannguaannaq suliat suliarineqanngitsuluunniit akitsuutaat”

8. Qulequttap nutaap kingornagut ilanngunneqassaaq:

”§ 3 b. Qalerallit § 1, imm. 2-mi pineqartut kiilumut akitsuutaat 2,00 kr.-iuvoq.”

9. § 7 ima oqaasertaqassaaq:

”§ 7. Naalakkersuisut akitsuummik akiliinnginnissamik qinnuteqaat akuerisinnaavaat, misileraalluni aalisarnissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertunngippata.”

10. § 8, imm. 1 ima oqaasertaqassaaq:

”§ 8. § 1, imm. 1-imik 2-millu, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit piaaraluneerluni mianersuaalliorujussuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qularnaveeqqusiinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulernermik inatsimmi maleruagassat naapertorlugit pineqaatissinermik kinguneqarsinnaavoq.”

§ 2

Inatsisartut inatsisaat 1. januar 2016-imi atortuulissaaq.

Namminersorlutik Oqartussat, ulloq x. xXx 2015

Kim Kielsen

ILUARSISSUTIT

Siunnersuut 19. august 2015-imik ullulerneqartoq taarserpaat

Tungavilersuut

Akitsuusersugassat inatsisissatut siunnersuummut 19. august 2015-imeersumut sanilliullugu ilaneqarnissaat Naalakkersuisut siunnersuutiginiarlugu aalajangerput.

Taassuma kingunerisaanik allannguutit, matumani aamma isertitassatut naatsorsuutigineqartunik nalileeqqinneq oqaaseqaatini ilanngunneqarput.

Inatsisissatut siunnersuummut oqaaseqaatit**Oqaaseqaatit nalinginnaasut****1. Inatsisissatut siunnersuutip tungavia**

Aalisakkat ikerinnarsiortut ilaasa Tunumi aalisarnermi pisarineqartut isumalluutunik atuinermi akiliummik akitsuuserneqartalernissaat kiisalu qalerallit immannguaannaq suliat suliarineqanngitsullu annissuinermi akitsuuserneqartalernissaat siunnersuutikkut atuutilersinneqassaaq. Marluullutik siunertaraat inuiaqatigiit tamattaalluta aalisakkanit pisuussutitsinnit iluanaarutunik amerlanerusunik pissarsinissaannik qulakkeerinissaaq.

Aalisarnerup isumalluutunik atuinermi akiliummik akitsuusiiffigineqartalernissaa Akileraar-tarneq Atugarissaarnerlu pillugit Isumalioqatigiissitap 2011-mi isumaliutissiissummini inassutigaa. Inassuteqaatit Aalisarneq pillugu Ataatsimiititaliarsuup 2009-mi isumaliutissiissutaanik aamma Benchmarkingsudvalgip (Kalaallit Nunaanni akileraaruseeriaaseq akitsuuseeriaaserlu pillugit nunanut allanut sanilliussilluni nalunaarusiortup) 2003-mi nalunaarusiaanik tungaveqarput. Isumalioqatigiissitap isumaqarpoq aalisagaativut tassaasut pinngortitap pissarititai inuiaqatigiit pigisaat.

Pinngortitap pissarititaanik atuneq aningaasarsiornikkut sapinngisamik tungavigissaartumik pisariaqarpoq. Tamanna siunissaaq ungasinnerusoq eqqarsaatigalugu inuiaqatigiit ataatsimut isigalugit aningaasarsiornikkut pissarsissutaanerusariaqarpoq. Angusaqarfiulluurtumik aalisar-neq isumalluutinit iluanaaruteqarfiunerussaaq. Inuiaqatigiit isumalluutinit iluanaarutit ilaannik naammaginatunik pissarseqataassapput, tassa isumalluutinit atuinermi akitsuutitigut.

Avataasiorluni raajarniarneq, qaleralinniarneq avaleraasartoorriarnerlu kisimik maannakut akitsuusersugaapput. Akitsuusersuinerup aammattaaq aalisakkat ikerinnarsiortut aningaasarsi- ornermi soqutiginaatillit ilaannut atuutilersinneqarnissaa eqqortuusorineqarpoq, tamarmiulluta aalisakkanit pisuussutitta ilaannik taakkuninnga aalisartut atuinerminnut akiliisussanngorlugit.

Aalisakkat ikerinnarsiortut ilaannik pineqartunik aalisarnerup isumalluutiniq atuinermi akili- ummik akitsuusiiffigineqarnissaa nammassinnaassagaa nalilerneqarpoq.

Qalerallit immanguaannaq suliataq suliarineqanngitsulluunniit akitsuusersomerisigut neriuu- taavoq annissuinermi akitsuut nunatsinni suliffissat, taamatullu aamma akileraarutinit A-nit isertitat amerlanerulernerannik kinguneqarumaartoq, tassa nunanut allanut nioqqutissiortut qa- lerallit Kalaallit Nunaanni suliarinissaat akitsuut pissutigalugu orniginerulissammasuk. Akit- suuteqaraluartorli nunanut allanut nioqqutissiortut aalisakkanik suliarineqanngitsunik annissu- inissaa ingerlatiinnarusunnerusinnaavaat. Taamaassappat akitsuut tamatumunnga taarsiullugu landskarsimut isertitsissutaassaaq.

2. Siunnersuutip imarisai pingaarnerit

Aalisakkat ikerinnarsiortut ilaannik Tunumi aalisarnerup isumalluutiniq atuinermi akiliummik akitsuusiiffigineqartunut ilaalernissaa siunnersuutaavoq. Aalisakkanik ikerinnarsiortunik aali- sarneq matumani pineqartoq tassaavoq avaleraasartoorriarluni, ammassassuarniarluni ammas- sanniarlunilu aalisarneq. Tunumi pisaassiiffiit nunat tamalaat immamik misissuisarnermut ataatsimiittialiaata (ICES-ip) aalisarfigequsai tassaapput II, V, XII aamma XIV, imartani Ka- laallit Nunaata oqartussaaffigisaaniittut.

Aalisakkanik ikerinnarsiortunik Kitaani aalisarnerup suli akitsuusersorneqannginnissaa siun- nersuutaavoq. Tassunga pissutaavoq Kitaani misileraalluni avaleraasartoorriarnissamut, am- massassuarniararnissamut ammassanniarnissamullu tunngavissat maannakkuugallartoq nalorni- nartulerujussuunerat. Aalisarfiit tamakku, siunissami aningaasarsiuutiginnissaat siunertaralugu aalisarfiusinnaanerit paasiumallugu misissuiffigeqqissaarneqartariaqarput. Aalisartut Kitaani aalisakkanit ikerinnarsiortunit isumalluutissat misissuiffigineqarnissaanni peqataajumassusiat millisikkumanagu siunniunneqarpoq tamaani aalisarneq maannakkuugallartoq akitsuusersuif- figineqassanngitsoq. Kitaani misileraalluni avaleraasartoorriarnermi akitsuut maanna atuuttoq siunnersuutikkut atorunnaarsinneqassaaq.

Taamatuttaaq siunnersuutaavoq bláhvillinnginik guldlaksinillu misileraalluni aalisarneq akit- suusersuiffigineqassanngitsoq, taakkuninngami aalisarneq 2013-imi 2014-imi amerlanngil- luinnartunik taamaallaat pisaqarfiusimavoq, soorluttaq taakkuninnga aalisarneq aatsaat ineri- artorfimminiileruttortoq.

Aalisakkanik ikerinnarsiortunik aalisarneq nutaajulluinnarpoq, aalisakkanullu amerlanernut tunngatillugu suli misileraalluni aalisarnerit taaneqarsinnaalluni. Taakkunani misilittakkat ta-

kutippaat kalaallit umiarsuaatileqatigiiffiisa pisassiissutit tamakkerlugit piasrisinnaasimanngikkaat, taamaammallu pisassinneqartut ilaasa arlaqartut pisassatik, aalisartitseqatigiiffinnut nunanit allaneersunut isumaqatigiissuteqarlutik taakku angallataataat atorlugit piasrisimagaat. Tamatuma kingunerisimavaa aalisarneq Kalaallit Nunaanni annikitsuinnarmik suliffissaqartit-sisimasoq angallatitigullu ineriartortitsiviusimasoq. Taassuma ilutigisaanik nunat allamiut angallataannik nunanit allaneersunik inuttalinnik atuineq akileraarutitigut isertitat ikittuinnar-nik amerlinerannik aamma nassataqarsimavoq. Tassa imaappoq selskabit nunanit allaneersut aalisarnerminnit sinneqartoorutaajunnartunit selskabit akileraarutaannut akiliisanngillat, soor-luttaaq aamma inuttat nunanit allaneersut akissarsiaannit akileraarutitut A-nut akiliisanngit-sut.

Kalaallit angallataataannik kalaallinillu inuttanik atuinerulersitsinikkut kalaallinik sulisoqar-nissaq angallatitigullu ineriartortitsinissaq annertusarniarlugit, aammalu landskarsip aalisar-nikkut iluanaarutaasut ilaannik naammaginartunik pissarseqataanissaa qulakkeerniarlugu si-unnersuutigineqarpoq isumalluutitik atuinermi akitsuutit assigiinngitsuussasut, taamaallit aalisakkat angallatit Kalaallit Nunaanni angerlarsimaffeqartutut nalunaarsorneqarsimasut ator-lugit piasrineqartut, aalisakkanit angallatit Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasut atorlugit piasrineqartunit appasinnerusumik akitsuusersorneqarlutik.

Akitsuutitik assigiinngitsuutitsinissaq taaneqareersutuut kalaallit angallataannik inuttanillu kalaallinik atuineq pilerinarsarnissaanik ilaatigut tunngaveqarpoq, ilaatigullu aamma pissu-taavoq kalaallit angallataataannik aamma/imaluunniit inuttanik kalaallinik atuineq akileraaru-tinik A-nik selskabillu akileraarutaannik isertitsissutaasussaammata, taamaammallu taakku isumalluutitik atuinermi akitsuusersuiffigineqarnissaat aalisakkanik ikerinnarsiortunik angal-latit allat atorlugit piasrineqartunit akitsuusersuinerminngarnit appasinnerutinneqarsinnaasoq.

Aammattaq siunnersuutaavoq qalerallinnik immannguaannaq sulianik suliarineqanngitsunil-luunniit annissuineq kiilumut 2,00 kr.-inik akitsuusersorneqassasoq. Siunnersuutip kingune-rissavaa suliffeqarfitt inuillu qalerallinnik Kalaallit Nunaanniit annissuisut, qalerallit suliarine-qanngitsut imaluunniit niaqui paperuilluunniit atatiinnarlugit suliarineqarsimasut annissorneri-ni landskarsimut akitsuummik akiliisussanngornissaat.

Aalisakkat niaqui paperuillu peerlugit Kalaallit Nunaanni suliarineqarpata annissuinermi akit-suummik akiliisoqassanngilaq.

Akerlianilli aalisakkat, assersuutigalugu avaleraat niaquiluunniit kisiisa Kalaallit Nunaanni peeriarlugit kingorna Kalaallit Nunaanniit anninneqarpata, taava annissuinermi akitsuut siun-nersuutigineqartoq akilernerqassaaq.

Siunnersuummi taamaallaat pineqarput qalerallinnik tulaanneqarsimasunik annissuineq. Ava-taasiorluni qalerallinniarnermi piasrineqartut tulaanneqartussaannngitsut siunnersuutip kingune-

risaanik marloriaammik akitsuusersorneqarnaviangillat, tassa qalerallit pisarinerinut akitsuutip qalerallit annissornerinut akitsuummik qallereratigut.

Inatsisip atuutsinnera pillugu aalajangersakkat qalerallit akitsuutaanni atuuttumi aalajangersarneqartut annissuinermi akitsuummuttaaq atuutissapput.

Akitsuummik akiliisussaataaneq atuutilissaaq piffissami nunanut allanut nioqqutissiortup aalisakkanik inummut pingajuusumut tunisiffiani.

Suliffeqarfik inulluunniit qalerallit Kalaallit Nunaanniit annissuisoq akitsuutip akilernisaanut pisussaavoq. Akitsuut kvartalikkaartumik naatsorsorneqarlunilu akilerneqassaaq.

Akitsuut akileraaruseriffimmut nalunaarutigineqarlunilu akilerneqassaaq kingusinnerpaamik kvartalip qaangiunnerata kingorna qaammammi ulluinnaat kingullersaanni. Suliffeqarfiup akitsuut piffissaagallartillugu akilinngippagu sivikinnerusumik piffissaqarluni akiliinissaq akileraaruseriffiup peqqussutigisinnaavaa, soorluttaaq akitsuutip akilerneqarnissaanut qularna-veequsiinissaq piumasarineqarsinnaasoq.

Aammattaaq inatsisissatut siunnersuut akileraaruserinermik ingerlatsineq pillugu Inatsisartut inatsisaannut attuumassuteqartinneqassaaq. Akileraaruserinermik ingerlatsineq pillugu Inatsisartut inatsisaat maleruagassanik, qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaannut (matumani allanngortinniarneqartoq ima Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaat) atatillugu nakkutillineq, kingusinaarluni akiliinermi ernialersuineq, isumakkeerineq ilaallu ilanngullugit pillugit akileraaruseriffiup suliasamik naammagittaalliummillu suliaqarnerani pingaaruteqartunik ilaatigut imaqarpoq. Tassa imaappoq Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaata atuutinneqarnera, akileraarutit akitsuutillu pillugit inatsisatut allatuulli Akileraaruserinermik ingerlatsineq pillugu Inatsisartut inatsisaanni maleruagassat malillugit ingerlanneqassaaq, aalajangersakkat immikkut ittut ingerlatsinermut pingaarutillit Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaanni aalajangersarneqarsimanngippala.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	§ 1
	Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisar-

	tut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. 10, 8. juni 2014-imeersukkut allanngortinneqartumi makku allannguutigitinneqarput:
Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaat	1. Inatsisip taaguutaa ima oqaasertaqassaaq: ”Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaat.”
§ 1 <i>Imm. 1.</i> Suliffeqarfiit aamma inuit avataasiorluni qalerallinnissamut taamatullu aamma avaleraasartoomiarnissamut pisassinneqarsimasut pisamik ilaasa, aalisarneq pillugu inatsit naapertorlugu Kalaallit Nunaanni tu-nitsivimmuut tunisassiorfimmulluunniit tunineqartussaangitsut landskarsimut akitsuutaannik, inat-simmi matumani aalajangersakkat naapertorlugit akiliissaput.	2. § 1, <i>imm. 1.</i> ima oqaasertaqassaaq: ”Suliffeqarfiit aamma inuit Kalaallit Nunaata oqartussaaffigisaani nunallu allat oqartussaaffigisaanni avataasiorluni qalerallinnissamut imaluunniit aalisakkat ikerinnarsiortut ilaannik Tunumi aalisarnissamut pisassinneqarsimasut pisamik ilaasa, Kalaallit Nunaanni tunitsivimmuut tunisassiorfimmulluunniit, aalisarneq pillugu inatsit naapertorlugu tunineqartussaangitsut landskarsimut akitsuutaat inatsimmi matumani aalajangersakkat naapertorlugit akilissavaat.”
	3. § 1-imi <i>imm. 2</i> -tut nutaatut ilanngunneqassaaq: ”Suliffeqarfiit aamma inuit qalerallinnik Kalaallit Nunaanniit annissuisut, qalerallit tunineqartut suliarineqanngitsut imaluunniit niaqui paperuiluunniit atatinnarlugit suliat anninneranni landskarsimut akitsuut inatsimmi matumani aalajangersakkat naapertorlugit akilissavaat. Akitsuusigassanut ilaangillat pisat ilaat <i>imm. 1</i> naapertorlugu akitsuuserneqartussat.” <i>Imm. 2</i> matuma kingorna tassaalerpoq <i>imm. 3</i> .
	4. § 2 ima oqaasertaqassaaq: ”§ 2. § 1, <i>imm. 1</i> naapertorlugu akitsuummik akiliisussaatitaaneq piffissami pisarineqarfianni atuu-tilissaaq. <i>Imm. 2.</i> § 1, <i>imm. 2</i> naapertorlugu akitsuummik akiliisussaatitaaneq piffissami annissiffiusumi

	atuutilissaaq.”
<i>Avaleraasartuut akitsuutaat</i>	<p>5. § 3-p kingornagut qulequtaq ima oqaasertaqasaaq:</p> <p><i>”Aalisakkat ikerinnarsiortut ilaasa Tunumi aalisarnermi pisarineqartut akitsuutaat”</i></p>
<p>§ 3a</p> <p>Akitsuut avaleraasartuumut, angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartumut kiilumut 0,95 koruuniuvoq.</p> <p>Imm. 2. Akitsuut avaleraasartuumut, angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartumut kiilumut 0,95 koruuniuvoq.</p>	<p>6. Qulequttap nutaap kingornagut ilanngunneqassaaq:</p> <p>”§ 3 a. Aalisakkat ikerinnarsiortut ilaasa Tunumi aalisarnermi pisarineqartut, angallatinut Kalaallit Nunaanni angerlarsimaffeqartutut aamma Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasunut akitsuutaasa angissusii:</p> <p>1) Ammassassuaq, a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 25 øre. b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 0 kr. 80 øre.</p> <p>2) Ammassak, a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 15 øre. b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 0 kr. 70 øre.</p> <p>3) Avaleraasartooq, a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 95 øre. b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 1 kr. 50 øre.</p> <p><i>Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup angallat</i></p>

	<p>Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq inuttaqartinnagu, kisiannili angallatip naalagaa, maskinmesteria taakkuluunniit marluk kisiisa ilanngullugit attartorpagu, akitsuutit angallatinut Kalaallit Nunaanni angerlarsimaffeqartutut nalunaarsorneqarsimasunut atuuttut akilerneqassapput.”</p>
	<p>7. § 3 a-p kingornagut qulequtaq nutaaq ima oqaasertaqassaaq:</p> <p><i>”Qalerallit immannguaannaq suliat suliarineqanngitsulluunniit akitsuutaat”</i></p>
	<p>8. Qulequttap nutaap kingornagut ilanngunneqassaaq:</p> <p><i>”§ 3 b. Qalerallit § 1, imm. 2-mi pineqartut kiilumut akitsuutaat 2,00 kr.-iuvoq.”</i></p>
<p>§ 7</p> <p>Naalackersuisut qalerallit akitsuutaannik akiliinnginnissamik qinnuteqaat akuerisinnaavaat, misileraalluni aalisarnissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertunngippata.</p>	<p>9. § 7 affattes således:</p> <p><i>” § 7. Naalackersuisut akitsuummik akiliinnginnissamik qinnuteqaat akuerisinnaavaat, misileraalluni aalisarnissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertunngippata.”</i></p>
	<p>10. § 8, imm. 1 ima oqaasertaqassaaq:</p> <p><i>”§ 8. § 1, imm. 1-imik 2-millu, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit piaaraluneerluni mianersuaalliorujussuarluniluunniit unioqquitsineq, imaluunniit akiliinissamat piffissaliussamat sivikinnerusumik piffissaqarluni akiliinissamik qularnaveeqqusiinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulerinermik inatsimmi maleruagassat naapertorlugit pineqaatissiinermik kinguneqarsinnaavoq.”</i></p>

	§ 2 Inatsisartut inatsisaat 1. januar 2016-imi atortuulissaaq.
--	--

3. Pisortanut aningaasatigut allaffissornikkullu sunniutissai

Aalisakkat ikerinnarsiortut landskarsimut katillugit 55 mio. kr.-it missinginik isertitaqaataa-nissaat siunnersuutip kingunerissavaa. Naliliinermi pisarnertuut eqqoriarneqarpoq 2016-imi pisarineqarumaartussat avaleraasartuut 2013-imi, 2014-imi 2015-imilu pisarineqartut agguatigiissillugit amerlassusiisa 80 procenterissagaat, ammassassuit ammassallu 2014-imi pisarineqartutuulli amerlatigissasut. Pisarineqartut ikinnerussappata akitsuutitigut isertinneqartussat taamatulli aamma ikilissapput. Akitsuut aningaasartuutit allat assigalugit umiarsuaatileqatigiiffiit aningaasarsiaannit akileraaruteqaataasussanit ilanngaatigineqarsinnaammat, taamaalillunilu umiarsuaatileqatigiiffinnut akileraarusigassanut ikilissutaassammat, taava aningaasartuutit tamarmiusut 23 mio. kr.-it taamaalillutik kingunerissavaat aalisakkanik ikerinnarsiortunik aalisarneq, akileraarutit ilanngaatigereerlugit 32 mio. kr.-it missaannik isertitaqaataajumaartoq.

Qalerallit immanguaannaq suliat suliarineqanngitsulluunniit akitsuutaasigut isertinneqartussat 2016-imi 20 mio. kr.-it missaanniissangatinneqarput. Isertinneqartussat akileraarutit A-t, taakku amerlanersaat kommunit pissaat, aamma akitsuutit amerlinerineersuussapput. Isertinneqartussat akileraarutinut A-nut akitsuutinullu qanoq agguataarsimanissaat maannakkuugal-lartoq eqqoriarneqarsinnaanngilaq, akitsuutimmi tunisassiorfinni sutigut allannguuteqartitsisinnanera pillugu paasissutissat ilaatigut pigineqanngimmata. Akitsuut suliaaqqartitsinerulernermik kinguneqarpat, akissarsiarititanullu aningaasartuutit taamaalillutik amerlippata, akissarsiarititanut aningaasartuutit tamarmiusut aningaasarsiat akileraaruteqaataasussat naatsorsorneranni ilanngaatigineqarsinnaaapput. Taamatutaaq nunanut allanut nioqqtissiorlut akitsuummum aningaasartuutaat aningaasarsiat akileraaruteqaataasussat naatsorsorneranni ilanngaatigineqarsinnaaapput. Akitsuutip aningaasarsianit akileraarutitigut isertinneqartussanut qanoq amerlatigisunik ikilisitsinissaa naatsorsorneqarsinnaanngilaq, oqaatigineqartutummi akitsuutip tunisassiorfinni sutigut allannguuteqartitsisinnanera pillugu paasissutissat pigineqanngillat.

Qaleralinnik annissuinermi akitsuummum atillugu allaffissornermut aningaasartuuteqarnerulernissaq Akileraartarnermut Aqutsisoqarfiup naatsorsuutigaa, tassa suliffeqarfinnut nakkutil-liilluni pulaarnernut, nioqqtissianik ineriikkanik misissuinerlut il.il.

4. Inuussutissarsiutinik ingerlataqartunut aningaasatigut allaffissornikkullu sunniutissai
 Siunnersuut inunnut suliffeqarfinnullu inatsisissatut siunnersuummi pineqartunut aningaasatigut sunniuteqassaaq, umiarsuaatileqatigiiffimmi aammalu nunanut allanut nioqqtissiorlut

sinneqartoorutaat tamarmiusut akitsuutininut aningaasartuutaanerusussanik akissarsiarititanul-
luunniit aningaasartuutininik ikilisinneqartussaammata.

Akitsuutip ikerinnarsiortunik aalisarnermeersup ilaata inuttanit akilerneqarnissaa naatsorsuuti-
gineqarsinnaavoq, tassa pisat naapertorlugit akissarsisiteriaatsip kingunerisaanik, aamma tak.
immikkoortoq 6.

Taamatutaaq aamma akitsuutininik naatsorsuineq akiliinerlu umiarsuaatileqatigiiffinnut aam-
malu nunanut allanut nioqqutissiortunut allaffissormermik kinguneqartussaavoq.

5. Avatangiisinut, pinngortitamut inuillu peqqissusiannut sunniutissai

Siunnersuutip avatangiisinut aamma/imaluunniit pinngortitamut sunniuteqangaarnissaa naat-
sorsuutigineqanngilaq.

Aamma siunnersuutip inuit peqqissusiannut sunniuteqarnissaa naatsorsuutigineqanngilaq.

6. Innuttaasunut sunniutissai

Siunnersuut, aalisakkanik ikerinnarsiortunik Tunumi aalisarnermit akitsuutit pilerinarsagaasu-
mik aqqissuussaanerisa kingunerisaannik Nunatsinni suliffissaqartitsiniarnermut iluaqutaas-
sangatinneqarpoq.

Annisuinermit akitsuutip qalerallit Kalaallit Nunaanni suliarinissaannik aningaasatigut ornigi-
narsaanerata kingunerisaanik nunatsinni suliffissat amerlingaatsiarsinnaanerata naatsorsuutigi-
neqarpoq. Aammali akitsuut suliffeqarfiit isertitaannik ikilisisiartoratarsinnaavoq, tamannalu
suliffissanik naleqarsinnaalluni.

Angallatini aalisakkanik ikerinnarsiortunik aalisartuni inuttat aalisarnermit pisat naapertorlugit
akissarsisinneqartarpata, akitsuullu akissarsianit tamarmiusunit ilanngaatigineqassappat ta-
manna inuttat akissarsiamikkut aamma malugissavaat.

Siunnersuutip innuttaasunut allaffissornikkut sunniuteqarnissaa naatsorsuutigineqanngilaq.

7. Sunniutissai pingaarutillit allat

Inatsisissatut siunnersuutip pingaarutilinnik allanik sunniuteqarnissaa naatsorsuutigineqanngi-
laq.

8. Oqartussaasunik kattuffinnillu il.il. tusarniaaneq

Inatsisissatut siunnersuutip ilaa, Tunumi aalisakkat ikerinnarsiortut ilaasa akitsuutaannut tun-
ngasoq 2015-imi piffissami 2. junimiit 6. julimut ukununnga tusarniaassutigineqarpoq:

KANUKOKA, Sulisitsisut (Grønlands Erhverv), NUSUKA, S.I.K., KNAPK, Aalisarnermut, Piniarnermut Nunalerinermullu Naalakkersuisoqarfik aamma Inuussutissarsiornermut, Suliffeqarnermut Niuernermullu Naalakkersuisoqarfik.

Aammattaq inatsisissatut siunnersuut tusarniaavimmi ugguuna tamanut saqqummiunneqarpoq www.naalakkersuisut.gl

Tusarniaanermi akissuteqarnissamut piffissaliussaq qaangiummat akissuteqartuupput KANUKOKA, Sulisitsisut (Grønlands Erhverv), Aalisarnermut, Piniarnermut Nunalerinermullu Naalakkersuisoqarfik, Inuussutissarsiornermut, Suliffeqarnermut Niuernermullu Naalakkersuisoqarfik kiisalu Pinngortitamut, Avatangiisinut Inatsisinillu Atortitsinermit Naalakkersuisoqarfik. Oqaaseqaatit tiguneqartut ataani nalinginnaasumik allanneqarput, Naalakkersuisut akissutaat *uingasumik* allanneqartut.

KANUKOKA kommunit sinnerlugit nalunaaruteqarpoq inatsisissatut siunnersuutip tusarniaassutigineqarneranut akissuteqartoqassanngitsoq, tusarniaanermimi piffissaliunneqartoq julip qaammataata aallarereerneranut killeqarmat tusarniaassutigineqartoq tunngavissaqarluartumik suliarineqarsinnaanngimmat. Kommunit inatsisissatut siunnersuutip tusarniaassutigineqarneranut akissuteqannginnerat Inatsisartuni ilaasortanut ilisimatitsissutigineqassasoq KANUKOKA-p kissaatigaa, julimmi qaammataata tusarniaaffiusannginnissaanik, aammalu tusarniaanerit sivikinnerpaamik sap.ak. tallimaasarnissaannik Namminersorlutik Oqartussat kommunillu 20. maj 2010-imi isumaqatigiissutaat eqquutsinneqanngimmat.

Naalakkersuisut maluginiarpaat inatsisissatut siunnersuut tusarniaassutigineqarsimasoq piffissami 2. juni 2015-imiit 6. juli 2015-imut. Tassa imaappoq inatsisissatut siunnersuut sivikinnerpaamik sap.ak. tallimanik piffissaliilluni tusarniaassutigineqarsimavoq. Piffissami tusarniaaffiusumi ullut suliffiit 25-upput, taakkunanga julimi ullut sisamaallutik. Siunnersuutip tusarniaassutigineqarnissaa tamanna eqqarsaatigalugu ajunngitsutut isigineqarsimavoq, naak tusarniaanermi piffissaliussap amiakkua julip ulluini siullerniikkaluartoq. Tamatuma ilutigisaanik inatsisissatut siunnersuut pineqartoq tassaavoq aalisarnermik suliaqartunik allanillu peqateqarluni oqaluuserineqartunut attuumassuteqarluinnartoq. Inatsisissatut siunnersuutini taamaattunik suliaqarnissamut piffissaliussaasartut amerlasuutigut sivikitsuinnaasarpur kinguaattoortoqaratarsinnaasarlunilu, ilaatigummi ataatsimiittarnerit, imarisaasa isummerfigivinneqarnissaat, nutserinerit il.il. pissutigalugit nalinginnaasumik piffissaliussaasartut sa-neqqutillaarneqarnissaat pisariaqarsinnaasarpog.

Naalakkersuisut naggasiullugu oqaatigissavaat inatsisissatut siunnersuut pineqartoq aningaasarsiorneq, suliffeqarneq aalisarnerlu pillugit politikkikkut suliniutinut ataatsimoortunut ilaamat, taamaammallu suliap taamatut ingerlanneqartariaqarsimaneranik paasinnikkumannngitsoqassappat tamatuma inatsisissanik pingaarutilinnik suliaqarnermut kinguaarsaataannissaa Naalakkersuisut isumannartoqartikkaat.

Sulisitsisut (GE) oqaatigaat aalisakkanik ikerinnarsiortunik aalisarneq kalaallit umiarsuaatileqatigiiffinut aningaasatigut piginnaasatigullu unammilligassaqaartitsisoq. Umiarsuaatileqati-

giiffiit aningaasarsiorluarsinnaagaluartut aningaasaliinerit aningaasatigut ajornartoortitsisinaalluarput, aalisakkammi pineqartut Kalaallit Nunaata eqqaani aalisarneqarsinnaanerit qanorlu sivisutigisumik aalisarneqarsinnaanissaat arlaannaataluunniit ilisimanngilaa. Aalisakkanik ikerinnarsiortunik aalisarnerup iluanaarutaasinnaanerinnaata politikikkut sammineqarnera inatsisissatut siunnersuummi takuneqarsinnaavoq.

Avaleraasartuunik il.il. aalisarnerup Nunatsinni nutaajunera tassungalu atatillugu, matumani aamma umiarsuaatileqatigiiffiit aalisarnermit iluanaarutissaannut tunngasut eqqarsaatigalugit, nalorninartorpassuaqarnera Naalakkersuisut ilisimavaat. Nalorninartut tamakku siunnersuutip suliarineqarnerani ilanngullugit isiginiarneqarput.

Aalisarneq pillugu politikki, aalisarneq pillugu inatsisit aamma akileraartarneq/akitsuutit pillugit inatsisit apeqqutaatinnagit ataqatigiissunik atugassaqartitsiviusoq Sulisitsisut (GE) qasseeriaqalutik ugartortarpaat. Inatsisissatut siunnersuut Aningaasaqarnermut Naalakkersuisoqarfiup Aalisarnermut, Piniarnermut Nunalerinermullu Naalakkersuisoqarfimmu, aalisarneq pillugu politikkimik tamarmiusumik nutarterinissaq siunertarerpiarlugu aalisarnermik sulialinik tamanik qaammatini kingullerni suleqateqarsimasumut ataqatigiinngitsumik sulineranut aammaarluni assersuutissaavoq. Isumalluutinik atuinermit akiliuteqartitsisarnerup, aalisarnerup iluani unammilligassat tamarmiusut suunerinik paasiniaalluni misissueqqissaarlunilu suliamit immikkoortinneqarnera Sulisitsisut (GE) isornartoqartippaat ataqatigiissaagaanngitsutullu isigalugu. Inatsisissatut siunnersuut allaanngilaq landskarsimik immiiniaannarluni aningaasarsiornikkut politikkimik immikkoortumik ingerlatsineq, aalisakkanik avammut niuernerup siunissaq ungasinnerusoq eqqarsaatigalugu pitsanngorsarneqarnissaanik siunertaqanngitsoq.

Inatsisissatut siunnersuutininik, matumani aamma aalisarnermi akitsuutit pillugit inatsisissanik suliaqarnermi politikikkut allaffeqarfikkullu ingerlaavartumik ataqatigiissaarisooqartarpoq. Avaleraasartuunnaanngitsut, aammali aalisakkat ikerinnarsiortut allat aningaasarsiutaasinnaasut akitsuusersorneqalernissaat Naalakkersuisut eqqortuusoraat, tamatta aalisagaatitta ilaannik taakkuninnga aalisartut atuinerminnut akiliuteqartussanngorlugit.

Akitsuusersuinerinik aaqjissuussineq tapersersorneqarlunilu oqimaaqatigiissaagaassaaq. Ingerlatsiviup akitsuummik angissusiliinnginnermi kingunerisassanik misissueqqissaaqqaarnissaa pitsaasuusaaq. Aalisakkanimmi ikerinnarsiortunik akitsuuseeriaatsit assigiinngitsut kingunissai naatsorsorneqarsimanngillat, akitsuutillu aalisarneq pillugu politikkimik suliamut ingerlareersumut ataqatigiissaagaanngitsumik angissusiligaapput. Inuusutissarsiummik ingerlataqartut tamanna attanneqarsinnaanngitsutut isigaat, periaaserlu taanna inatsit siorna allanngortinneqarmat Sulisitsisut (GE) isornartorsiorpaat.

Inatsisissatut siunnersuutip umiarsuaatileqatigiiffinnut kingunerisinnaasaanik naatsorsukkanik peqarnissap pitsaasuunissaanik oqarneq Naalakkersuisut isumaqatigaat. Paasissutissanilli sukumiisunik, ingerlatsiveqarfiup naatsorsukkanik tamakkuninnga suliaqarsinnaaneranut atugassanik naammattunik peqartoqanngilaq. Tamanna ilaatigut siunertaralugu, Inuusutissarsiuqatigalugu aalisarneq pillugu tunisassiornikkut aningaasaqarnikkullu paasissutissanik nalunaarutiginnittarneq pillugu Namminersorlutik Oqartussat nalunaarutaat nr. 11, 29. juni 2015-imeersoq, nunami inuusutissarsiuqatit pingaarnersaat pillugu paasissutissanik ingerlatsi-

veqarfiup misissueqqissaarnissami atugassaanik peqalernissamik siunertaqartoq Naalakkersuisut aalajangiuppaat.

Inatsisissap siunertaraa inuiaqatigiit iluanaaruteqarnerunissaannik qulakkeerinissaq. Tunngavilersuut tamanna Sulisitsisut (GE) akerlerinngilaat. Umiarsuaatileqatigiiffiit amerlasoorujussuarnik aningaasaliisussanngortullu aalisarnermik ingerlataqartut 60 mio. kr.-inik aningaasartuuteqarnerulersinniarneqarnerat Sulisitsisut (GE) akerleraat. Sulisitsisut (GE) isumaqarput siunnersuut inuiaqatigiinnut aningaasarsiornikkut iluanaarnannginneroqisumik, taamatullu aamma pisortat karsiinut isertitsissutaanikinnerusumik kinguneqaratarsinnaasoq.

Siunnersuut umiarsuaatileqatigiiffiit 2015-imut tunngatillugu, akileraarutit ilanngaatigereerlugit katillugit 12,8 mio. kr.-it missinginik aningaasartuuteqarnerulersinnerannik kinguneqasaaq. Aningaasat taakku umiarsuaatileqatigiiffinnit maanna nammanneqarsinnaasut Naalakkersuisut naliliipput.

Immikkoortoq 4-mi oqaasertaliussaq una eqqunngilaq: "Umiarsuaatileqatigiiffiit aningaasartuutaanerusussat inuttanit akilersissagaat naatsorsuutigineqarpoq".

Oqaasertaliussaq allanngortinneqarpoq.

Sulisitsisut (GE) tunngavippiaatigut isumaqarput inatsisissatut siunnersuut siunissaq ungasinnerusooq eqqarsaatigalugu aalisarnermik nutaamik, Kalaallit Nunaata inuiaqatigiinni aningaasarsiornikkut ukiorpassuarni iluaqutigisinnaasaanik ineriartortitsinissamut akornutaaratarsinnaasoq, pisariaqartunik aningaasaliisussat landskarsip siunissami qaninnermi immerneqarnissaa pissutiginnarlugu qunulersinneqanngippata.

2015-imi avaleraasartooriarnissami pisassinneqarnissamik qinnuteqartut amerlanerujussuat tunngavigalugu Naalakkersuisut naliliipput siunnersuut aalisakkanik ikerinnarsiortunik aalisarnerup ineriartortinnissaanut akornutaanaviannngitsoq.

Aalisarnermut, Piniarnermut Nunalerinermullu Naalakkersuisoqarfiup oqaatigaa naalakkersuisoqarfik tunngaviatigut isumaqarmat, inuussutissarsiummik ingerlataqartut aalisarnermik ineriartortitsinermut ukiuni aggersunissaaq aningaasaleeqqittariaqartarnissaat akitsuutit aaqqissuunneqarneranni eqqaamaneqartariaqartoq. Tassunga uiggiullugu APNN-ip pitsaasutut nalilerpaa akitsuuseeriaatsimik aaqqissuussinerup kalaallit nunallu allamiut angallataataat immikkoortimmagit.

2015-imi avaleraasartooriarnissami pisassinneqarnissamik qinnuteqartut amerlanerujussuat tunngavigalugu Naalakkersuisut naliliipput siunnersuut aalisakkanik ikerinnarsiortunik aalisarnerup ineriartortinnissaanut akornutaanaviannngitsoq. Akitsuutinik aaqqissuussinerup allanngortinneqarnerata ilaatigut siunertaraa kalaallit aalisarnermik inuussutissarsiutaata ineriartortinneqarnissaanut pilerinarsaanissaq.

Aalisakkat ikerinnarsiortut tunuliaqtsiullugit isertitassanik taama amerlatigisunik aningaasanut inatsisissamut inissinissap nalorninartulerujussuusinnaanera APNN-ip oqaatigaa, aalisakkammi assigiinnngitsut nuttartarnerisa, amerlassusiisa, nerisassaqarniarnerisa assigisaasalu al-

lanngorarnerat aalisakkat pisarineqartut ikileriarujussuarnerannik, taamatullu aamma akitsuutit ikileriarujussuarnissaannik kinguneqarsinnaapput.

Aalisakkat pisarineqartut amerlassusiisa akillu piffissap sivikitsup ingerlanerani allannguuteqarujussuarsinnaanerat Naalakkersuisut ilisimavaat. Taamaammatt aalisarnerup tamarmiut akitsuutitigut inatsisiliuunneqarnissaa anguniarlugu sulisoqarpoq, tamatumalu ilaatigut siunertaraa aalisakkanik aalajangersimasunik aalisarnerit ataasiakkaat allanngorarpallaarnissamit sunneruminaaallisarneqarnissaat.

Tusarniaanermi akissuteqartut allat siunnersuummut oqaaseqaatissaqanngillat.

Siunnersuut, qaleralinnik immannguaannaq sulianik suliarineqanngitsunillu annissuinermit akitsuummut maanna eqqartorneqartumut pingaarnertigut assingusoq 2014-imi piffissami 13. junimii 18. julimut ukununnga tusarniaassutigineqarpoq:

KANUKOKA, SIK, Kalaallit Nunaanni Sulisitsisut Peqatigiiffiat (GA), KNAPK, NUSUKA, KPMG Grønland, Deloitte, BDO, Grønlands Revisionskontor, Inuusutissarsiornermut, Aatsitassaqaarnermut Suliffeqaarnermullu Naalakkersuisoqarfik aamma Aalisarnermut, Piniarnermut Nunalerineremullu Naalakkersuisoqarfik.

Tusarniaanermi tassani akissuteqarnissamut piffissaliusseq qaangiummat GA, SIK, KNAPK aamma Polar Seafood Greenland A/S akissutisiffigineqarsimapput.

Tusarniaaneq imaattunik oqaaseqaateqarfiuvoq:

Siunnersuutip saqqummiunneqarnissaa GA-p kissaatiginngilaa, GA-mi isumaqarmat siunnersuummut atatillugu naammattunik misissuisoqarsimannigisoq.

- GA aamma Polar Seafood Greenland A/S isumaqarput: siunnersuut ilimagisat tunngavigalugit suliaasoq,
- siunnersuutip suliffissaqartitsinissamik sunniutissai qulakkeerneqarsimannigisut,
- siunnersuut neriuutigineqartutuut Kalaallit Nunaanni suliffissat amerlinerannik kinguneqassagualuarpata aasaanerani suliaassat isumaginissaannut sulisussat piginnaasaqarluartut pissarsiarinissaat ajornartorsiutaasassasoq, tamannalu tunisinermik killilersuinermik kinguneqassasoq,
- qaleralinnik Kalaallit Nunaanni suliaqarnerulernissaq kissaatigineqarpat tunitsiveqarnikkut tunisassiorfeqarnikkullu, taamatullu aamma assartuinermit piorsaanerunissamut aningaasaliisoqartariaqartoq,
- J-cut-inik suliaqarnissamik piunasaqaat pitsaassutsimut ajorseriaataasassaq, aalisakkammi marloriarlugit qeritinneqartariaqartassammata, tamannalu nioqqutissiat inaarneqarnerminni pisisartunit pilerigineqarnerannut millisaataasassaq, taamatullu aamma akinut apparsaataassalluni, aamma

- nunanut allanut nioqquteqartut isertitaat akitsuutip kingunerisaanik ikileriassapput, tamanalu tunisinermi akit appasinnerunissaannik kinguneqassaaq.

Naalackersuisut isumaqarput siunnersuut, isertitassatut suliffissaqartitsinermullu sunniutissatut naatsorsuutaasut eqqarsaatigalugit nukingiunneqartariaqartoq.

GA-p aamma Polar Seafood Greenland A/S-ip naatsorsuutigaat kilisaatit tunisassiorfiutigisut siunnersuummi pineqartunut ilaanngitsut, naak tamanna siunnersuummi erseqqarissumik allassimangikkaluartoq.

Kilisaatit tunisassiorfiutigisut akitsuut pillugu siunnersuummi pineqartunut ilaanissaat siunniussaannngimmat tamanna eqqortuuvoq, kilisaatimmi marloriaammik akitsuusiiffigineqarnissaat siunertaanngilaq (tassa qalerallit pisarineqartut akitsuutaasa qalerallit nunanut allanut nioqqutigineqartut akitsuutaannik qallernerisigut). Akitsuummik marloriarluni akiliinnginnis-saq ersarissarniarlugu siunnersuut iluarsineqarpoq.

Polar Seafood Greenland A/S-ip oqaatigaa J-cut-it siunnersuummi allanneqarsimaneratuut tassaannngimmata avaleraajakkat.

Siunnersuut paasissutissiineq naapertorlugu iluarsineqarpoq.

SIK siunnersuummut oqaaseqaatissaqanngilaq, piffissarli iluatsillugu oqaatigerusuppa inatsis-sissatut siunnersuutip aalisakkat Kalaallit Nunaanni suliarineqartarnerisigut suliffissaqartitsi-nerulersitsiniarnermik imaqarnera nuannaarutigigini.

Aalisakkanik nioqqutissiat Kalaallit Nunaanni suliarineqartartut ilaneqarnissaat/amerlineqar-nissaat KNAPK-p tunngaviatigut tapersorsorpa. Aalisakkalli tunineqarneranni akigitinneqar-tut appartinneqarnissaat pinngitsoorniarlugu qanoq iliortoqarniarnersoq inatsisissatut siunner-suummi takuneqarsinnaanngilaq.

Naalackersuisut isumaqarput tunisinermi akit inatsisikkut aaqqinneqartariaqanngitsut, illua'-tungeriilli isumaqatigiinniartarnerisigut aalajangersarneqartariaqartut. Akitsuut siunnersuu-tigineqartoq tunisinermi akinut qanoq sunniuteqassanersoq, taamaassappallu qanoq annertu-tigisumik sunniuteqassanersoq isumaqatigiinniarnert taakku aalajangissavaat.

Aalisakkat niaquisa kiisalu immaqa paperuisa avaleraasalu igiinnarneqartartut qanoq atorluar-neqarnerusinnaanerat KNAPK-p misissugassaqqitsippaa.

Aalisakkanik tunisassiornermi perlukut pitsaanerusumik atorneqarsinnaanerannik misissuiso-qartariaqarnera Naalackersuisut isumaqatigaat.

Avaleraasartoomiarnermut atatillugu nunaqavissunik illersuinerusumik inatsiseqartitsinissaq KNAPK-p kissaatigaa. Tassa imaappoq minnerpaamik soorlu raajarniarnermisuulli.

Avaleraasartoomiarnermut atatillugu nunaqavissut illersorneqarnissaat pillugu aalajangersagaliornissamik apequt piffissap misileraaffiup naammassineqarnissaanut utaqqissunneqassasoq Naalackersuisut isumaqarput, tassa misileraalluni aalisarnerup atuutsinneqarneranit ingerlanneqarneranillu misilittakkanik tunngaveqarluni.

Aalajangersakkanut ataasiakkaanut oqaaseqaatit

§ 1-imut

Nr. 1-imut

Inatsimmi pineqartut aalisakkat ikerinnarsiortut ilaannik Tunumi aalisarnermi pisarineqartunik aammalu qaleralinnik annissuinermik ilaneqarnerisa kingunerisaanik inatsisip taaguutaanik allanquineq aalajangersakkap kinguneraa.

Nr. 2-mut (§ 1, imm. 1)

Siunnersuutaavoq inatsisip atuuffia ilaneqassasoq, suliffeqarfiit inuillu aalisakkat ikerinnarsiortut ilaannik, matumani aamma ammassassuarnik ammassannillu Tunumi aalisarnissamut pisassinneqarsimasut pineqartunut ilaalersillugit.

Aammattaaq siunnersuutaavoq erseqqissarneqassasoq akitsuusigassaatitaasut maannamutuut tassaammata Kalaallit Nunaata oqartussaaffigisaani qaleralinniarnissamut pisassiissutit aammalu nunat allat oqartussaaffigisaanni qaleralinniarnissamut Naalakkersuisunit pisassiissutigineqartut. Naalakkersuisut aalisarneq pillugu isumaqatigiissut naapertorlugu nunap taassuma allap oqartussaaffigisaani aalisarnissamut pisassiisinnaatitaappata, taava taamatut pisassinneqarnermi landskarsimut akitsuummik akiliisoqassaaq. Tunumi pisaassiiffiit nunat tamalaat immamik misissuisarnermut ataatsimiititaliaata (ICES-ip) aalisarfigeqqusai tassaapput II, V, XII aamma XIV, imartani Kalaallit Nunaata oqartussaaffigisaaniittut. Akitsuut pisat ilaannit, suliffeqarfiup inuilluunniit Kalaallit Nunaanni tunitsivimmum tunisassiorfimmulluunniit tunisussaangisaanit naatsorsorneqassaaq. Aalisakkanut ikerinnarsiortunut tunngatillugu maannakuugallartoq tunisussaataaneq aalajangersarneqanngilaq. Tassa tunisussaataaneq taanna atuutilersinneqartinnagu akitsuut aalisakkat ikerinnarsiortut pisarineqartut tamarmiusut tunngavigalugit naatsorsorneqartassaaq.

Aalisakkat ikerinnarsiortut pisarineqartut tamarmiusut tassaapput pisat allattorsimaffiini allasimasut, tassa aalisakkat uumatillutik oqimaassusiat kiilunngorlugu naatsorsugaq. Oqimaassusiat assigiimmik naatsorsorneqartassaaq, apeqqutaatinnagu aalisakkat kalaallit angallataataat nunalluunniit allamiut angallataataat atorlugit pisarineqarsimanersut, aamma apeqqutaatinnagu aalisakkat nunatta nunalluunniit allat imartaanni pisarineqarsimanersut.

Angallatinut RSW-nik imaluunniit CSW-nik tankilinnut (tankit aalisagaasiviit immikkoortut, aalisakkat nunamut tulaanneqannginneranni nillartaartinneqarfigisaat. Tankit imarmik sikunik akusamik aamma/imaluunniit nillartaartitsissut mekaniskiusoq atorlugu nillartaartinneqartumik imaqarput) tunngatillugu imaappoq, pisassiissutit tulaassinermum uppersaatit (tunisinermi allagartat oqimaalutaanermiluunniit allagartat) malillugit ilanngarneqartarlutik, tassa pisat ilaat tankiniitinneqartut eqqarsaatigalugit. Pisat sinneriunnagaasa oqimaassusiat pisanut allat-tuivimmi nalunaarsorneqarsimasoq tunngavigalugu naatsorsorneqassaaq.

Suliffeqarfik inulluunniit aalisarnissamut pisassinneqarsimasoq akitsuutip akilemissaanut pissaavaoq. Akitsuut kvartalikkaartumik naatsorsorneqarlunilu akileraaruseriffimmut akilerneqassaaq.

Nr. 3-mut (§ 1, imm. 2)

Aalajangersakkap kingunerisaanik inatsisip atuuffia ilaneqarpoq, suliffeqarfiit inuillu qalerallinnik Kalaallit Nunaanniit annissuisut, tassa imaappoq nunanut allanut nioqquteqartut pineqartunut ilaalersillugit.

Qalerallinnik annissuinermi akitsuut, qalerallit suliarineqanngitsut imaluunniit niaqui paperuiluunniit atatiinnarlugit suliarineqarsimasut Kalaallit Nunaanniit annissorneqartut amerlassusi (kiilui) malillugit naatsorsorneqassaaq.

Aalisakkat Kalaallit Nunaanni suliarineqarpata, tassa niaquerlugillu paperuorneqarlutik, taava annissuinermi akitsuut akilerneqassanngilaq.

Akerlianilli aalisakkat Kalaallit Nunaanni, assersuutigalugu avaleraat niaquiluunniit kisiisa peerneqarlutik kingorna Kalaallit Nunaanniit anninneqarpata, taava annissuinermi akitsuut siunnersuutigineqartoq akilerneqassaaq.

Qalerallit tulaanneqartut immannguaannaq suliart suliarineqanngitsulluunniit tamarmik annissuinermut akitsuuserneqassapput, apeqqutaatinnagu qalerallit sinerissamut qanittumi aalisarnermi pisaanersut imaluunniit tasaanersut avataasiorluni qalerallinniarnermi pisat ilaat tulaanneqartussat.

Avataasiorluni qalerallinniarnermi pisarineqartut ilaat tulaanneqartussaannngitsut taamaallaat § 3-mi aalajangersagaq naapertorlugu akitsuuserneqassapput. Marloraammik akitsuusiisoqannginnissaa tassuunakkut siunertarineqarpoq.

Nunanut allanut nioqqutissiortoq, soorlu tunisassiorfik qalerallit tulaanneqartut naammattumik suliarineqanngitsut kingornalu Kalaallit Nunaanniit anninneqartut akitsuutaannik tamatigut akiliisussaatitaavoq, nunanut allanut nioqqutissiortoq allamik pissuteqartumik pisat akitsuutaannik akiliisussaatitaagaluarpuunniit.

Nr. 4-mut (§ 2)

Akitsuummik akiliisussaatitaanerup atuutilerfissaa aalajangersakkami aalajangersarneqarpoq.

Avataasiorluni qalerallinniarnermi pisarineqartut aamma aalisakkat ikerinnarsiortut ilaasa akitsuutaannut tunngatillugu siunnersuutaavoq piffissap akitsuummik akiliisussaatitaalerfissap tassaaginnarnissaa piffissaq pisarineqarfiat.

Qalerallit annissorneqartut akitsuutaannut nutaamut tunngatillugu siunnersuutigineqarpoq akitsuummik akiliisussaataalerfik qalerallit Kalaallit Nunaanniit anninneqarfianni atuutissa-soq.

Nr. 5-imut (qulequtaq)

Inatsimmi pineqartut aalisakkat ikerinnarsiortut ilaannik Tunumi aalisarnermi pisarineqartu-nik aammalu qaleralinnik annissuineramik ilaneqarnerisa kingunerisaanik inatsimmi qulequtta-mik allanngueq aalajangersakkap kinguneraa.

Nr. 6-imut (§ 3a)

Siunnersuutaavoq aalisakkat ikerinnarsiortut ilaat Tunumi aalisarnermi pisarineqartut, avale-raasartuut akitsuutaata maanna atuuttup saniatigut, isumalluutitik atuinermi akiliummik akit-suusersorneqalissasut.

Akitsuutip angissusia allanngorartuuvoq, apeqqutaatillugu aalisakkat angallat Kalaallit Nu-naanni imaluunniit nunani allani, matumani aamma Danmarkimi, Savalimmiunilu angerlarsi-maffeqartutut nalunaarsorneqarsimasoq atorlugu pisarineqarsimanersut. Aalisartut nunatsin-neersut amerliartornissaat pilerinarsarniarlugu aalisakkanut angallatit Kalaallit Nunaanni angerlarsimaffeqartutut nalunaarsorneqarsimasut atorlugit pisarineqartunut akitsuut appasin-nerpaatinneqarpoq.

Umiarsuaq nunani allani, Savalimmiuni Danmarkiluunniit nalunaarsorneqarsimasoq inutta-qartinnagu, kisiannili angallatip naalagaa maskinmesterialuunniit, imaluunniit taakku marluk pinnagut, umiarsuaatileqatigiiffimmit nunatsinneersumit assartuutissatut atorneqarpat (bare-boat-charter) taanna kalaallit umiarsuaattut matumani isigineqassaaq. Akerlianik umiarsuaq nunani allani, Savalimmiuni Danmarkiluunniit nalunaarsorneqarsimasoq, umiarsuaq asser-suutigalugu aquttua ilanngullugu umiarsuaatileqatigiiffimmit nunatsinneersumit attartorneqar-pat, umiarsuaq taanna inatsit naapertorlugu kalaallit umiarsuaattut isigineqassanngilaq.

Imm. 2-mi aalajangersagaq taamaallaat aktie- imaluunniit anpartsselskabinut atuuppoq, tassa imaappoq selskabinut allanut inunnulluunniit atuugani. Tassunga atatillugu pingaartinneqar-poq aalajangersakkap selskabinut nalinginnaasumik atugaasunut misilittagaqqarfigineqarluar-tunullu atuuttuunissaa.

Nr. 7-imut (qulequtaq)

Inatsimmi pineqartut qaleralinnik immannguaannaq sulianik suliarineqanngitsunillu annissui-nermik ilaneqarnerisa kingunerisaanik inatsimmi qulequttamik ilanngussineq aalajangersak-kap kinguneraa.

Nr. 8-mut (§ 3 b)

Siunnersuutaavoq qalerallit immannguaannaq suliat suliarineqanngitsullu annissorneqarneranni kiilumut akitsuutaat 2,00 kr.-inik angissusilerneqassasoq. Akitsuusigassaatitaasut kiiluisa amerlassusii periaatsit, nioqqutissanik annissuinermini nalunaarsuiffiit uppersaatillu EUR 1-it oqimaassutsinik nalunaarsuiffiqartarneranni atugaasut assigalugit naatsorsorneqassapput.


Nr. 9-mut (§ 7)

Siunnersuutip § 7-imut maanna atuuttumut sanilliullugu imaraa Naalackersuisut qalerallit akitsuutaannik akiliinnginnissamik qinnuteqaammik akuerinnissinnaanerisa annertusineqar-nissaa, tassa aalisakkanut inatsimmi pineqartunut allanut aammattaaq atuuttunngorlugu.

Siunnersuutaavoq Naalackersuisut, misileraalluni aalisarnermut atatillugu akitsuummik tamakkiisumik ilaannakuusumilluunniit akiliinnginnissamik akuersisinnaanissaat. Aalajangersagaq assersuutigalugu atorneqarsinnaavoq piniutinik nutaanik allatulluunniit assingusumik ineriartortitsissutissatut atugassanik misileraalermermi, kiisalu misileraalluni aalisarnerit immikkut ittut taamaaliornissaq pissutissaqartippassuk.

Aalajangersagaq aalisarnerup iluani suliffeqarfinniluunniit ataasiakkaani nalinginnaasumik aningaasarliortoqartillugu akitsuummik akiliinngitsoortitsinissamut tunngavigineqarsinnaanngilaq.

Aalajangersagaq taamaallaat Tunumi sumiiffik 1-ip, tassa Tunumi aalisarfiup 62°30'N-ip avannaaniittup, 66°15'N-illu kujataaniittup, kimmullu 37°00'W-mut killeqartup aammalu aalisarfiup kangimut killinganut killeqartup avataani ikerinnarsiortunik aalisarnermut atuuppoq.



Nr. 10-mut (§ 8, imm. 1)

Inatsimmik unioqquitsisoqartillugu pineqaatissiissutit pillugit aalajangersagaq atuuttoq siunnersuutikkut nutarterneqarlunilu allannguinerup kingunerisaanik allannguuteqartinneqarpoq. Tassa imaappoq inatsimmi § 1, imm. 2-mik, § 3, imm. 1-imik, § 3 a, imm. 1-imik aamma § 3 b-mik unioqquitsinerit akisussaatsinermik kinguneqarsinnaalissasut.

§ 2-mut

Inatsisartut inatsisaata 1. januar 2016-imi atortuulernissaa siunnersuutaavoq.